



Inatsisartunut ilaasortaq
Hans Aronsen
Inuit Ataqatigiit

Asasara Hans Aronsen,

17-04-2017
Suliap nr. 2017 - 8085
Akt. Id. 4952414

Inunnut annertuumik innarluutilinnut angajoqqaat atorfinitsinnissannut periarfissanut tungatillugu apeqqutigisannut qujanaq.

Akissutigisakka ataani takuneqarsinnaapput.

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iniiian@nanoq.gl
www.naalakkersuisut.gl

1. Annertuumik innarluuteqalersimasut annertuumillu innarluutilit ulloq unuarlu nakkutigisassat angajoqqaavisa imaluunniit perorsaasutut akissusaasusut suliffeqanngitsut suliffissaqanngitsulluunniit taakkununga sulisutut akissarsiaqartinneqarsinnaaneri periarfissaqarpa?

Inunnut annertuumik innarluutilinnut tapersersuisumik tunniussisoqarniarpat tamanna inunnut ataasiakkaanut naliliinikkut pissaaq, tamatumani inuup ikiorneqarnissaa qanoq pisariaqartinneqartiginersaq aallaaviussaaq.

Annertuumik innarluutilit ikiorserneqartarnerat pillugu Namminersorlutik Oqartussat nalunaarutaat nr. 8, 25. juni 2014-imeersumi qanigisaasut atorfeqartitatus akissarsiaqartissinnaanerat takuneqarsinnaanngilaq. § 28, imm. 1 malillugu nammineq angerlarsimaffimmi paarisqarnermi aningaasarsiaqartitsisoqarsinnaavoq:

"Inuk annertuumik innarluutilik nammineq angerlarsimaffimmini najugaqarpat ulluinnarni paaqutarineqarneranik isumaginnittoq aningaasarsiaqartinneqarsinnaavoq. Taamaatorli piumasarineqarpoq, pineqartup taamaaliormigut nalinginnaasumik isertitaqarsinnaanini tamakkiisumik ilaannakortumilluunniit annaasimassagaa."

Nalunaarummi § 26-imi inuit ikorfartuisussat atorfinitsinneranni atasumik atugassarititaasut nassuiarneqarput:

"Inuk ikorfartortaasoq kommunalbestyrelsimit atorfinitsinneqassaaq, taanna inummut ikorfartortimut sulisitsisutut inissimasuummat. Imm. 2. Kommunalbestyrelsip sapinngisamik inuit perorsaasutut ilinniarsimasut ikorfartortitatus atorfinitsittassavai. Tamanna periarfissaqanngippat, kommunalbestyrelsip inuit suliamik ingerlatsinissaminnut tunngavissalittut nalilernerqartut atorfinitsittassavai."

Aningaasarsianik ikorfartuinemilu nalunaaquttap akunnerinik atorneqartussanik tunnius-sisarnerni inuup innarluutillip qanoq ikorfartorneqarnissamik pisariaqartitsitiginera aallaa-viussaaq, najukkamilu pineqartumi qanoq suliffissaqartiginera apeqqutaassanani.

2. Periarfissaqanngippat ukiamut innarluutillit pillugit inatsit nutarterneqaler-pat ilanngunneqarsinnaasumik periarfissiisoqarnissaa naalackersuisut qa-noq tigorussaat

Inuit innarluutillit ikiorserneqartarnerat pillugu inatsisissatut siunnersuutinnngortussami qanoq iliorluni inuit innarluutillit pitsaanerpaamik ikorfartorneqarsinfnaanerisa qulakkeerinniffiqineqarsinnaanerit isummorsorfigineqarumaarpoq, tassunga ilanngullugu inunnik annertuumik innarluutilinnik ikiorsiinermit innuttaasutut akissarsiaqartitsisinnaaneq isummorsorfigineqarumaarluni.

Apeqqutit 1-imut akissutigineqartoq aamma innersuussutigineqarpoq.

Inussiarnersumik inuulluaqqusivunga


Sara Olsvig